

Mustafa Kurtović, Daliborka Milović, Edim Fejzić, Emir Frašto i Sanel Mušović,
delegati iz Bosansko-podrinjskog kantona Goražde u Domu naroda Parlamenta Federacije BiH

DOM NARODA
PARLAMENTA FEDERACIJE BiH
n/r Lidija Bradara, predsjedavajuća Doma naroda

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO 2

Primljeno:	06-17-2017		
Org. jed.	Broj	Priloga	Vrijednost
02 - 14	-	1955	117

x 10

Na osnovu člana 177. i 178. Poslovnika Doma naroda Parlamenta FBiH na Prijedlog Budžeta Federacije Bosne i Hercegovine za 2018. godinu, ulažem:

A M A N D M A N I

U Budžetu Federacije Bosne i Hercegovine za 2018. godinu u razdjelu 20, ekonomski kod 6141-Tekući transfer drugim nivoima vlasti i fondovima – Transfer za sanaciju zdravstvenih ustanova u Bosansko – podrinjski kanton Goražde u iznosu od 300.000,00 KM.

Ova sredstva obezbijediti na slijedeći način:

- iz razdjela 11. sa ekonomskog koda 600 - Tekuća rezerva Vlade Federacije BiH obezbijediće se iznos od 300.000,00 KM tako da se navedeni kod smanjuje sa 5.000.000,00 KM na 4.700.000,00 KM

O b r a z l o ž e n j e

U Federaciji Bosne i Hercegovine se od njenog osnivanja pa do danas vrši nepravедna i neadekvatna raspodjela javnih prihoda u kojoj najgoru poziciju ima Bosansko-podrinjski kanton Goražde jer se raspodjela nije vršila na osnovu kriterija koji su u vezi sa nadležnostima kantona, a koji odgovaraju Bosansko-podrinjskom kantonu Goražde već su se u obzir uzimali uglavnom samo oni kriteriji koji ne odgovaraju Bosansko-podrinjskom kantonu Goražde. Naime izostavljanje određenih kriterija koji bi imajući u vidu ustavne nadležnosti kantona trebali obavezno biti kriteriji kao što su broj korisnika zdravstvene i socijalne zaštite je donekle kompezovano uvođenjem pondera i grant sredstava jer da nisu utvrđeni ponderi i grant sredstva određeni kantoni koji imaju npr. procentualno veće učešće korisnika socijalne i zdravstvene zaštite po stanovnika ne bi bili u mogućnosti pružiti tu zaštitu svojim stanovnicima na onom nivou na kojem je ista u drugim kantonima što je svakako neprihvatljivo. Naime sve procjene i analize ukazuju da je broj korisnika socijalne i zdravstvene zaštite u Bosansko-podrinjskom kantonu Goražde višestruko veći nego u svim drugim kantonima izuzev Sarajevskog Kantona.

Da bi pokazali kakve su razlike između kantona u pogledu broja korisnika socijalne i zdravstvene zaštite uzmimo civilne žrtve rata kao uzorak obzirom da se radi o kategoriji koja prima određenu naknadu kao vid socijalne zaštite, a koja u najvećoj mogućoj mjeri koristi zdravstvenu zaštitu a bitno je napomenuti da se isto vrijeme radi o kategoriji koja prima naknadu jednim dijelom iz Budžeta Federacije a manjim dijelom iz budžeta kantona, tako da se radi o korisnicima koje su u pravo uvedeni u skladu sa zakonom donesenim na Federacije BiH tako da kantoni ne mogu manipulirati tim podacima.

Dakle kada se ima u vidu da su navedene naknade za isti stepen invalidnosti iste u svim kantonima neprihvatljivo je da se broj korisnika zdravstvene i socijalne zaštite ne tretira kao kriterij kod raspodjele prihoda od indirektnih poreza jer je broj civilnih žrtava rata veći ili da je stepen njihove invalidnosti npr. u Bosansko-podrinjskom kantonu Goražde veći za 4,278

puta u odnosu na Zeničko-dobojski kanton, odnosno veći za 2,969 puta u odnosu na Tuzlanski kanton, dok su u odnosu na Zapadnohercegovački kanton veći za 10,588 puta.

Iz navedenog pregleda se vidi da su razlike po kantonima takve i tolike da određeni kantoni zaista imaju posebne rashodovne potrebe te da je do uvođenje broja korisnika socijalne i zdravstvene zaštite kao novih kriterija prilikom raspodjele prihoda u Federaciji BiH neophodno doznačavanje grant sredstava odnosno odgovarajućih transfera kako određenim kantonima a prije svega Bosansko-podrinjskom kantonu Goražde tako i zdravstvenim ustanovama čiji je osnivač Kanton kako bi se svim stanovnicima na području cijele Federacije Bosne i Hercegovine omogućiti jednake na zdravstvenu zaštitu odnosno jednake uslove života.

Iznos transfera za za sanaciju zdravstvenih ustanova u Bosansko – podrinjski kanton Goražde je neophodno odrediti u samom Budžetu Federacije BiH jer Vlada Federacije BiH raspodjelu ukupnih sredstava za sve niže nivoe vlasti bilo da se radi o transferima nižim nivoima vlasti-KANTONI I OPĆINE ili drugim transferima ne vrši na način da se otklone neprihvatljive posljedice neadekvatne raspodjele.

Zbog navedenog a kako bi se i građanima bosansko-podrinjskog kantona Goražde mogla pružiti neophodna zdravstvena zaštita i kako bi isti imali barem donekle ravnopravan tretman kao drugi građani u Federaciji BiH, neophodno je u Budžetu Federacije BiH za 2018. godinu planirati posebna sredstva za Transfer za sanaciju zdravstvenih ustanova u Bosansko – podrinjski kanton Goražde u iznosu od 300.000,00 KM.


Bliža obrazloženja daću na sjednici Doma naroda.

Sarajevo, ____ . godine

DELEGATI


Mustafa Kurtović


Daliborka Milović


Edin Fejzić


Emir Frašto


Sanel Mušović